



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Francisci Bonaldi Societatis Iesv Theologi, Divina
Ecclesiae Oeconomia**

Bonald, François

Coloniae, 1611

V. De proprietatibus, notis seu signis Ecclesiæ.

[urn:nbn:de:hbz:466:1-48916](#)

qua excellentiam demonstremus, & Chri-
cuili, stianorum animos noua quadam con-
tine solatione perfundamus.

CAPUT QVINTVM.

De Proprietatibus & notis, seu
signis Ecclesiae.

Proprietates & signa Ecclesiae, vt
patet ex diuersis diuersorum
num pulcherrimis Tractatibus in magno
itue numero sunt: nos tamen, vt magis alij.
mus, principalia delibemus, eas proprietates
pertractabimus, quæ in Symbolo
facti Constantinopolitano continentur.

Dico itaque imprimis Ecclesiam
Dei, & familiam Christi vnam esse, &
ries non plures: quod à magno illo mar-
ia & tyre Cypriano didici, ita dicente, Quā Cypr. libr.
erbè vnam ecclesiam etiam in cantico canti- de rnitate
lagi corum spiritus sanctus ex persona Domini eccles.
itur; designat, & dicit, Vna est columba mea,
uam perfecta mea, una est matris uæ electa ge-
ares nutriti suæ: Idem me docuit Apostolus
In eacum scripsit, Vnum corpus, & unus spiri- Ephes. 4:
teristus, sicut vocati estis in una spe vocatio-
guinis vestræ: Unus Dominus, una fides, unū
gen. baptisma: Vnde Cyprianus subiungit,
str Nemo fraternitatem mēdacio fallat: ne-
cel.

C

moſi-

mo fidei veritatem perfida prævaricatio
 ne corrumpat: Ecclesia una est, que n
 on multitudinem latius incremento fecun
 ditatis extenditur, quomodo solis multi
 radij, sed unū lumen: & rami arbori
 multi, secū robur unum tenaci radice fun
 datū: & cum de fonte uno riuī plurim
 desfluunt, numerositas licet diffusa vide
 tur, exundantis copia largitate, unitas
 tamen seruatur in origine. Aueller ad unū
 solis à corpore, diuisionem lucis unitas in
 capite ab arbore frange ramum, fracta
 germinare non poterit: à fonte præci
 riuum, præcissus arescit. Sic & Ecclesi
 Domini luce perfusa per orbem totum ra
 dios suos porrigit: unum tamen lumen
 est, quod ubique diffunditur, nec unitas
 corporis separatur: ramos suos in uniuers
 itate terræ copia ubertatis extendit: in
 fluētes largiter riuos latius expādit: in
 tamen caput est & origo una, & una
 mater, secunditatibus successib; bus copiosa:
 lius fœtus nascimur, illius lacte nutriri
 spiritu eius animamur. Hæc tantus ma
 Irenæus l. tyr, quibus unitatem Ecclesiæ euidenter
 aduersi expressit. Eandem doctrinam
 Hæres. Irenæus, alijque Patres, qui allegant
 e.3. hic possent, tam firmiter tenuerant, et
 allat

allatis nationibus confirmarunt, ut nullum de ea re dubium supersit. Sufficerit itaque nobis, si paucis causas, cur Ecclesiae & rationes huius unitatis exposueri sia sit mus: Ecclesia itaq; vna est, quia in unius fidei doctrina, & eorundem sacramentorum participatione fundata, vni capiti inuisibili Iesu Christo, eiusque visibili in terris Vicario Papae Romanus subditur. Quod autem ecclesia eiusdem fidei doctrinam profiteatur, & eorundem sacramentorum participationem sub uno inuisibili capite Iesu Christo habeat, partim ex dictis patet; partim ex dicendis patebit; ut & illud, Romanum Pontificem huius ecclesiæ militantis summum ac supremum visibile caput esse. nobis enim hoc loco satis est, tale aliquod caput, quodcunq; tādē illud sit, necessariū fuisse, & ecclesiā semper tale caput habuisse; Nā vt inquit Hieronimus, Ex Hieron. aduers. Io. uimān.

Altera huius unitatis causa est, quod ecclesia ab uno spiritu regatur, ac animetur ut Paulus ad Ephesios innuit dicens: *Pollicit seruare unitatem*

Ephes. 4. *tem spiritus in vinculo pacis, unum corpus & unus spiritus, quasi dicat, Sicut corpus ex pluribus membris, quæ ab una anima viuificantur componitur, ita corpus Christi mysticum, quod est ecclesia, ex multis Christianis, qui uno spiritu reguntur constat.*

Iren. lib.
1. c. 3.

Ioan. II. *annæ: bere prophetauit Caiphas cum esset pontifex anni illius, quod Iesus moriturus erat pro gente, & non tantum pro gente, sed ut prius Dei, qui erant dispersi congregaret: & fieret, ut ipse Christus ait, ouile unum & pastor unus; Se ipsum unum pastorem principaliorem absq; exclusione sui Vicarij Papæ & suc-*

Ioan. 21. *cessorū eius intelligens; Hinc n. ipse met oues suas, & agnos pascendas commendauit, ut alibi tangemus. Nolum hunc articulum diuisionis, & scismatis authores credere: Sed approbat ea, & probat Apostolus tractans illud ge-*

Genes. 2. *neseos, Propter hoc relinquet homo patrem & matrem suam, & adhærebit uxori sue: Nam vt inquit Hieronimus: testimonium hoc Paulus edifferens ad Christum refert, & ecclesiam; ut primus*

Hierō. ep. ad Gerontiam. *Adam*

Adam in carne secundus in spiritu monogamus sit: Sit una Eva mater cunctorum viventium sit una ecclesia aparens omnium Christianorum: Sicut illam maledictus Lamech in duas diuisit uxores; sic hanc heretici in plures ecclesias lacerant; quae iuxta Apoc alip sin Ioannis Synagogae magis diaboli appellandae sunt, quam Christi conciliabula. Huc vique Hieronimus, addo, si audire placet, qui ita loquitur, Cyprianum, *Videns diabolus idola derelicta & propter nimium credentium populum sedes suas, ac templa deserta, ex. ogoit autem nostram fraudem, ut sub ipsa Cbr. 7. iii nominis titulo fallat incertos: Hæreses inuenit & scismata, quibus subuerteret fidem, veritatem corrumperet, scinderet unitatem. Hæc ille. Videte ergo quo spiritu agantur, qui ecclesias multiplicant, ut malesani sui cerebri somnia stabiliant; & suæ unusquisque se partis caput constituant: Verè non ecclesias Dei, sed Diaboli Synagogas edificant.*

Porro in malum illi abeant, aut quo bonum ipsis videbitur: nos enim cum Chrysostomo ex Apostolo discimus ecclesiam esse ecclesiam Dei vo-

*Cypriā. de
unit. eccl.*

*Chrysostomus
Hom. in 1. ad Cor.*

C 3

candam,

candam, ut ostendatur, inquit ille, n
vnum eān redigi oportere; Nam si Du
est, una est; non Corinthi solum, sed uni
uersi orbis ecclesia; cuius quidem nomen
non separacionem, sed unionem & conso
nantiam significat. Vnde Hieron. ai

Hieron. ep.
57. ad Da
masum.

Quicunque extra hanc domum agnum
comederit profanus est. Si quis in arc

Noe non fuerit peribit regnante diluvio.

Neutiquam ergo haeretici titulum
unitatis Ecclesiae suae arrogent; pro
prius enim est Ecclesiae Catholicæ; i
llorū autē sectis nihil vnum inueni
tur; non una doctrina, nō una fides, nō
vnus vsus eorumdem sacramentorum,
non vnum caput, non vnius spiritus.
Sciunt hoc ipsi, fatentur & experien
tur, cū inter se odijs plus quam Vari
nianis, vt Cadmēi fratres concurrūt, &
nos suo loco ostēdemus. Interim ga
deant & consolētur se Catholicī, quo
ex hoc unitatis signo se domesticos ec
clesię Dei agnoscāt. Et summa ope ea ci
ueat ob quę ab huius corporis unione
separari mererētur: nā maxima inco
moda hinc eos sequerētur, vti videbi
mus, cū de cēsūris, ac pēnis ecclesiast
icis agemus. Nūc ad alia ecclesiae signi
properemus.

CA